




Ukuhlomisa izingane zethu
ngelikusasa

RI 1

Isihloko sesifundo: Ukuzinikela - UDaniyeli

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa **Ukuzinikela - UDaniyeli**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le- RI 1. 2.4: Uyacelwa uthinte uThisha wakho we- RI 1 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se- **RI 1** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwakho ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Ukuzinikela – UDaniyeli
Umbhalo weBhayibheli	UDaniyeli 1, 2, 5 no-6
Inhloso yesifundo	Izingane zithola ukuthi kuyini ukuzinikela nokuthi uNkulunkulu ubabusisa kanjani labo abazinikele kuYe.

Isifundo esifingqiwe:

- INkosi uNebukadinesari yathumba iJerusalema futhi yathumba abathunjwa abaningi eBabiloni. UDaniyeli wayevela emndenini wasebukhosini futhi wayephakathi kwabo.
- Yena kanye nabanye abasebasha abangama-Israyeli abakhethwa ukuba bafundiswe ukuze bakwazi ukusebenzela inkosi esigodlweni.
- Ngalesi sikhathi inkosi yanquma ukuthi izinsizwa kufanele zidle ukudla neziphuzo njengaye.
- Esidlweni ngasinye abaseBabiloni babenikela ngalokhu kudla neziphuzo ezithombeni ababezikhonza.
- UDaniyeli wayengafuni ukudla noma yikuphi kwalokhu kudla ngoba wayelalela imiyalo kaNkulunkulu kuphela.
- Yena nabangane bakhe abathathu babenemifino namanzi kuphela futhi ekugcineni babukeka bephilile kunabo bonke abanye.
- Kuthe lapho imfundo yabo isiphethiwe ngemva kweminyaka emithathu, iNkosi uNebukadinesari yakhetha uDaniyeli nabangane bakhe ukuba basebenze enkantolo yakhe ngoba engekho owayelingana nabo.
- INkosi uNebukadinesari yaphupha iphupho elalimethusa, kepha akakwazanga ukukhumbula iphupho lakhe
- Wabizela ndawonye bonke abahlakaniphileyo, ababhula ngezinkanyezi, nabenza imilingo, wabayala ukuba bamtshele iphupho futhi balichaze.
- Babengeke bakukhone lokhu futhi kwenza inkosi ithukuthela kakhulu yafuna ukuthi babulawe bonke, kubalwa noDaniyeli nabangane bakhe.
 - UDaniyeli wacela isikhathi esingezekile enkosini futhi yena nabangane bakhe bathandaza kuNkulunkulu becela usizo.
- UNkulunkulu wawuphendula umthandazo wakhe, wambulelwa iphupho uDaniyeli.
- Wabonga futhi wadumisa uNkulunkulu.
- Inkosi yabona uNkulunkulu kaDaniyeli njengoNkulunkulu wabo bonke onkulunkulu neNkosi yamakhosi onke.
- AmaPheresiya ayesethathe ngokuthumba inkosi yaseBabiloni kanye nePheresiya, uDaryu wayefuna ukubeka uDaniyeli njengombusi phezu kombuso wonke.
- Lokhu kwadala ukuba ezinye izinhloko zombuso nababusi babe nomona futhi banquma ukumangalela uDaniyeli phambi kwenkosi.
- Bebazi ukuthi uDaniyeli wayethandaza kuNkulunkulu kathathu nsuku zonke.
- Benza inkosi ukuba ikhiphe umyalo wokuthi wonke umuntu ozocela noma imuphi uNkulunkulu noma umuntu, ngaphandle kwenkosi ezinsukwini ezingama-30 ezizayo kufanele aphonswe emphandwini wezingonyama.



- Ngaphandle kwalokhu, uDaniyeli wahlala ethembekile kuNkulunkulu futhi emethemba ngokuphelele. Waqhubeka nokuthandaza kathathu ngosuku.
- Inkosi yayingenakwenza okunye, ngaphandle kokuthi uDaniyeli aphonswe emphandwini wezingonyama.
- UNkulunkulu wathumela ingelosi eyabamba imihlathi yamabhubesi ivalekile.
- Isimangaliso sokutakulwa kukaDaniyeli samenyezwa kubo bonke.
- Inkosi yanikeza iziyalezo zokuthi uNkulunkulu ophilayo waphakade kaDaniyeli kufanele asatshwe.

Ingabe sisifundisa ini lesisifundo na?

- Kufanele sihlale sithembekile futhi siqondile.
- Kumele silalele imiyalo kaNkulunkulu.
- Kufanele sethembe uNkulunkulu kuzo zonke izimo zempilo.
- Lapho sikufeza lokhu, uNkulunkulu uzosibusisa ngokucebile.
- Kufanele sethembe futhi silalele uNkulunkulu,
- Kumele sikhuleke Yena ngokukholwa, futhi
- Okubonakala kungenakwenzeka, Yena uzokwenza kwenzeke.

Masibe nesibindi sokuba nguDaniyeli.

Yenza isivivinyo 1, 2 no-3 ne/zingane.

Impendulo yesivivinyo 3:

Ibhodi:

UDaniyeli wayezinikele ngoba yena:

- Wayelalela imiyalo kaNkulunkulu, futhi
- Waphila impilo ejabulisa uNkulunkulu

Eminye imibuzo esingayibuza:

1. Ingabe yini esingayifunda kuDaniyeli na?

Impendulo: Sifuna ukuzinikela kuNkulunkulu, silalele imiyalo yaKhe

2. Ingabe ngobani amagama abangane bakaDaniyeli na?

Impendulo: UShadiraki, uMeshaki no-Abedi-Nego

3. Ingabe kungani amabhubesi engazange amklebhule / amudle uDaniyeli na?

Impendulo: UNkulunkulu wathumela ingelosi Yakhe ukuba ivale imilomo yezingonyama

4. Ingabe kungani uDaniyeli engafunanga ukudla ukudla kwenkosi na?

Impendulo: Wayefuna ukuhlala ethembekile kuNkulunkulu.



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
